

南
湘
詩
州



一枝春

擘碎珊瑚悔輕把曲曲情傾吐知音暗數可
知惜春情緒搓酥滴粉且休羨友家眉嫵
春去也紅豆頻托寄語自調鸚鵡錢春去
如何安日

將紅豆調鸚鵡
皆集中舊句也

傷心在無言安只凝情別恨

花前堪訴同心五綵此際又添新譜天涯忍

尺笑何事自增凄楚

集中增影搖紅壺中天諸
闕傷離念別情意凄婉

題錦字應署聯珠小紅漫付

笑夫同年以夫人所著南湘室詞集見示並索序

倚窗以誌傾佩己卯三月弟林鵬翔拜稿

林

奉題 大箸南湘室詩稿

多少鬢眉成濁物平章風月讓紅妝樓名
花萼雙枝豔粥吸防風七日香滄海別添

朝士感功名還繞女兒腸

讀君難助功名壯志消之句益

佩抱負非常

憐余慣被櫻花笑江戶年年作嫁

忙外子虞盒作有櫻花詩
及櫻花詞余愧未能和

乙卯三月朱紉作於駐日使館之半櫻移



南湘室詩草

虞山姚

倩學

春暮遣懷

姚倩

世事浮沈漫共論
蕭蕭梅雨掩重門
畫屏病起寒猶怯
繡被香殘夢不溫
飛絮簾櫳春寂寞
落花庭院月黃昏
比來贏得消愁法
一卷離騷酒一樽

贈綺韶女史

姚菴

緣深一見便多情
羨爾襟懷水樣清
曾記芳塘初識面
垂楊陰裏聽蟬鳴

輕颺羅衣薄
彈鬟臨風玉立態
珊珊出羣標格誰堪

並清似梅花韻似蘭
冰雪聰明錦繡詞暮雲春樹惹相思自從捧讀瑤章
後幾度拈毫怕作詩
纔聞新雁唳長霄又見雙星渡鵲橋儂是愁中君病
裏一般辜負此良宵

子夜歌

姚倩

添罷博山香笑對銀釭立珍重並頭花勸郎莫輕別
冷月出疎林窺窗皎如雪試取瑤琴彈泠泠不成曲
冬夜抑何長怕展衾如鐵獨自倚薰籠心碎銅壺滴
歲暮感懷

辜負光陰感百端多愁贏得帶圍寬
沈沈簾幕爐烟裊寂寂房櫳蜡炬殘
爲理舊詞人轉嬾怕翻冷被夢
難安西風和淚看鴉陣倚徧闌干翠袖寒

供梅

姚 莖

點綴寒香映碧紗數枝也復態橫斜
晴窗伴我攤書坐不減孤山處士家

種梅

分得瑤臺絕世姿白鋤明月傍疎籬
此花本是羣芳首故占春風第一枝

探梅

姚 倩

聞道南枝次第開
衝寒幾度踏蒼苔
林間老鶴休相笑
爲訪春光特地來

畫梅

素縑香染墨痕新
倩影疎枝倍有神
嬾向東皇問消息
毫端繪出隴頭春

游春三絕句

姚倩

東風如剪草如絲
山色空濛夕照遲
一路杏花香不斷
酒旗高出綠楊枝
低鬟窄袖入時妝
綺陌風來撲面香
戲擲青梅驚女伴
隔花飛起兩鴛鴦

輕舟如葉過林塘一片澄波映夕陽閒倚水窗情脉
脉泥人百六好韶光

催妝

燭搖紅影照高樓欲褪春衫半帶羞料得新婚初卻
扇任人看煞只低頭
鶯聲嚦嚦破窗紗香夢惺忪寶帶斜慵倚妝臺嬌不
語倩郎爲整鬢邊花

新柳

細葉乍成條盈盈舞態嬌風流誰得似纖瘦小蠻腰

春閨

姚 苙

羅衣乍怯曉風寒一樹夭桃露未乾
笑執輕紈花外立撲將蝴蝶喚郎看

紅梅

不隨飛絮委香塵老幹橫斜獨占春
染得胭脂好顏色恐教妒殺曉妝人

暮春

嬾窺菱鏡卸雲翹無限相思瘦柳腰
一種深情誰解得夢回鴛帳可憐宵
畫欄慵倚自徘徊愁見荼蘼落又開
偏是關心梁上燕雙雙飛去又飛來

落紅如雨滿階墀
視匣封塵筆網絲
絳蠟似憐春易去
臨風也解淚胭脂
薄寒料峭掩窗紗
風細爐烟一縷斜
十二闌干渾不倚
月明閒煞海棠花

前題

雨餘芳草自成叢
閒步空庭數落紅
最是多情雙燕子
頻啣花片過牆東
飛絮飛花春事闌
東風無賴儘摧殘
嫣紅姹紫飄零盡
惆悵簾前不忍看
綠窗晝靜柳圍簷
欲繡鴛鴦線
嬾拈半是傷春半中

酒無聊雙鎖翠眉尖
酒病春愁兩不支
海棠開後燕歸時
比來幽怨憑誰
遣只有消閒七字詩

前題

姚倩

量罷花甄日影遲
繡籠慵倚惜芳時
病中情緒春來
況只有簾前鸚鵡知
半窗修竹露華浮
簾外輕寒上玉鉤
最是園亭春欲
暮鳥啼花落不勝愁
如絲細雨潤苔痕
一樹垂楊翠掩門
燕子不來春寂
寂梨花滿地月黃昏

花到春殘惜已遲
鶯聲鈴語惹相思
多情最是翻飛蝶
猶戀餘香繞故枝

夏閨

姚 苙

涼風透疎櫺
清景勝於昨
自掩碧紗窗
莫遣燈花落
香汗浸冰肌
蘭湯浴初罷
桐階風露涼
蟋蟀絮遙夜
銀漢月光明
露溼秋千索
一笑下閒階
悄把雙星祝
桐子墜空階
鴛幃夢初醒
庭竹正當窗
一片蕭騷影

偶成

姚 倩

池塘雨過晚生涼
風送菱荷細細香
最是撩人無限思
並頭花下宿鴛鴦

秋夜口占

銀漢斜明月半天玉階閒步未成眠如何一樣梧桐
葉纔着秋風便可憐

寄蕙儂姊

一自分襟後梧桐已着花不知緣底事夜夜夢君家
蒙贈簪花筆慙無咏絮才漫勞青鳥使幾度索詩來
芭妹歸後頗無意緒漏已三下猶不成寐恍惚
間至一處粉牆圍竹樓閣層層茉莉滿庭含
苞欲吐月明如水螢火爭飛正徘徊玩賞時
忽爲晨雞驚寤追思夢境宛然在目詩以誌

之

星星螢火點莓苔
茉莉含芳半未開
滿地月華人不見
夜深閒殺好樓臺

月夜感懷

桐陰小立怯輕寒
身世茫茫感百端
同是天邊一輪月
怪他偏向別人圓

即事

獨坐支頤景寂寥
一庭落葉雨蕭蕭
生憎昨夜西風緊
剪碎窗前鳳尾蕉

七夕

拜罷雙星獨倚樓
星河斜掛月如鉤
頻年悔乞天孫巧
爲了聰明反惹愁

秋夜寄苙妹

無眠偏覺夜漫漫
紙樣羅衾不耐寒
從古多情添恨事
本來識字肇愁端
綺窗雨過蟲聲切
繡帳燈昏月影殘
一語贈卿須記取
秋風珍重莫憑欄

秋夜聞笛憶姊弟

姚苙

慵畫雙蛾倚鏡臺
相思底事日縈懷
情多轉覺情無着
夢好終嫌夢易回
月影漫移花影去
風聲偏送笛聲來
吟餘小立牆陰下
時有桐花點翠苔

聽雨

倚牀愁聽雨瀟瀟一點殘燈伴寂寥
已是吟魂淒欲斷那堪窗外有芭蕉

寒夜獨坐瓶花搖落窗月依人寶篆烟消鴛幃
夢冷追念疇昔寢不成寐挑燈書此并述近
況

更長漏短夢初回寂寂雙屏掩碧苔殘臘不教和恨
去新春偏爲送愁來臂鬆條脫衫輕襯心比連環結
不開自歎年年愁裏過羨君夫婿解憐才

前詩意有未盡續咏四絕句

那堪回憶十年前
嬌小曾經掌上憐
不是愁多書便少
省君情緒爲儂牽

舊恨新愁積萬端
負他窗外月團圓
空箱檢取嫣紅豆
幾度燈前反復看
悄倚鴛衾淚似潮
等閒虛度可憐宵
怕看燭影搖紅處
心已成灰恨未消

往事何堪徹底思
遣愁無奈寫烏絲
一箋寄與相思句
珍重啼痕好護持

除夕

紅搖歲燭照華筵
爆竹聲中又一年
飲罷屠蘇無箇